

一督餉 欽差戶部主事或郎中一員督理本鎮軍
餉兼理屯政鹽法每三年一代遼陽通判一員分
理遼陽開原寬奠等處糧餉廣寧通判一員分理
廣寧寧前錦義高平等處糧餉海蓋通判一員分
理金復海蓋四處糧餉

一監督 遼海東寧道邊備叅議一員監督遼陽險
山瀋陽三處地方 遼海東寧道兵備僉事一員
監督廣寧正安右七鎮武錦義五處地方 寧前
道兵備僉事一員監督寧遠前屯二處地方 開
原道兵備僉事一員監督開原中固鐵嶺汎河懿

路五處地方 行人僕寺少卿兼兵備僉事一員
監督海州等處地方 苑馬寺卿兼兵備僉事一
員監督金復蓋三處地方凡兵馬糧餉各隨時處
置

一 分守遼陽副總兵一員分守清河等二十五城堡
隘口本兵一營清河守備一營長勇備禦一營長
安備禦一營合主客兵一萬一百五十二名 險
山叅將一員分守鳳凰等一十五堡隘口本兵一
營駿陽守備一營江沿臺備禦一營合主客兵五
千二百七十七名 瀋陽遊擊一員分守奉集等

一十二城堡隘口本兵一營撫順備禦一營蒲河
備禦一營瀋陽備禦一營合主客兵八千三十五
名以上將領并開原海州二叅將兵馬並聽副總
兵調度廣寧總鎮標兵及備禦一營合主客兵一
萬二千四百八十七名 正安遊擊或叅將一員
分守正安等八堡隘口本車兵一營鎮靜守備一
營共主兵四十五百一十一名右屯備禦一員專
守本處城堡主兵四百九十九名 鎮武遊擊一
員分守鎮武等四城堡隘口本兵一營西平備禦
一營共主兵四千二百二十八名 錦義叅將一

員分守錦義等一十八城堡隘口本兵一營錦州
守備一營義州備禦一營共主兵一萬三百六十
七名 寧遠叅將一員分守寧遠小團山等二十一
城堡隘口本兵一營寧遠備禦一營合主客兵三
千九百一十一名 前遊擊一員分守前屯鐵場
等三十三城堡隘口本兵一營前屯備禦一營合
主客兵五千五十二名 開叅將一員分守開原
慶雲等一十城堡隘口本兵一營開原備禦一營
共主兵一萬五百二十名中固備禦一員分守中
固柴河定遠城堡隘口主兵一千六百九十六名

鐵嶺備禦一員分守鎮安等五城堡隘口主兵二千三百八十一名
汎備禦一員分守汎河宋家泊白家衝城堡隘口主兵一千三百七名
路備禦一員分守懿路三岔兒丁家泊城堡隘口主兵一千六百四十九名
州海參將一員分守海州東勝等八城堡隘口本兵一營海州備禦一營共兵四千五百八十三名
州金守備一員分守金州永寧等六十城堡海口專俟備倭本兵一千七百七十五名各路分擬信地編兵戍守本鎮夷虜時常竊掠各隨路堵截若遇大寇則一面隨宜調發征

剿一面申報撫總知會

一防守本鎮延袤二千餘里新舊共設敵臺一千三百三十七座每臺瞭守軍五名緩者四名再緩者三名監臺夜不收一名晝夜瞭守各臺弓矢兵器信旗號砲俱全該路不時差官點查

一開謀本鎮三面受敵視他鎮尤甚標下及六寺道分守營路各隨地方分遣夜不收通事家丁專爲出境走哨或三四十里或七八十里或探入虜巢至一二百里必得真情入口傳報或二三名爲一撥或三四名爲一撥量各夷地里遠近分撥名數

不等各擬信地次第傳報更番分撥歲時不絕

一勾補本鎮逋絕軍戶俱行各省清軍御史照原籍州縣清勾本戶壯丁并妻差官類解每軍擇選戶里殷實為解戶追驗軍裝長解路費解發本鎮昔皆不令着伍旋即逃亡近遇解到即照例優恤發車營操備無復逃者有本鎮原係招集戶今乃逋絕者仍照招集各為首名下清補係原衛所伍軍在逃者將壯丁選補歷年逃移寄籍軍丁潛居海嶼甚眾設法招撫歸籍若伍俱發各營操守

萬曆二年巡撫張學顏差都司蘇永助過海招撫歸籍者四千七十七名內補壯丁可川男子二千餘名

一存恤宣德元年奉例將新勾到衛軍士限半月收幫月糧兩月葺理居室俟其安定方許差操正統五年令新到軍人係曾勾赴衛存恤一次至復在逃者即發着役不在存恤之例迄今遵行近例新軍除月給銀糧外三月以上者全支冬衣布花及三月應差操者發各路臺瞭守更換火戍壯丁赴邊操備或發屯種

一烽燧各邊外總括要路列置敵臺設兵專守每臺人役緩者三名衝者五名遇警傳報前屯屬下臺二十七座官軍一百二十四名傳鐵場等一十一

堡聲息寧遠屬下臺二十六座軍七十五名傳檄
木衝等十堡聲息錦州屬下臺三十九座軍一百
五十三名傳大勝等六堡聲息義州屬下臺三十
八座軍一百八十二名傳大安等二十一堡聲息
廣寧屬下臺三十七座軍一百一十五名傳正安
等八堡聲息海州屬下臺一十七座軍五十名傳
平洋等四堡聲息遼陽屬下臺二十二座軍一百
五名傳長安清河等二十四堡聲息潘陽屬下臺
一十三座軍五十名傳靜安十方寺等四堡聲息
懿路屬下臺五座軍二十名傳三分兒丁字泊二
堡聲息鐵嶺屬下臺二十二座軍六十九名傳撫
安鎮西等五堡聲息中固屬下臺二十一座軍六
十名傳柴河定遠二堡聲息開原屬下臺七十座
軍二百一十二名傳慶雲等九堡聲息寬奠屬下
臺四十九座軍一百四十五名傳駿陽等一十四
堡聲息此係傳報邊警海防另註備倭下隨路各
臺置有狼烟火砲號帶信旗木梆等項旗帶分東
西北三方所屬顏色即知某方為某路警急晝用
旗帶夜用火砲百里外傳號一次三十里又傳一
次寇若入口連傳三次聞警一面傳號一面走報

如傳號聞砲無旗帶或無梆聲夜見火無砲爲他
火他砲不得誤傳其接應失時者細打割耳誤舉
及詐僞者從軍法重處

一號令凡操練之日預懸操牌五更聽頭聲喇叭響
官軍造飯背馬披戴兵器二聲喇叭響赴劄隊地
方每二十步一隊站立三聲喇叭響千把總官旗
領兵山南門挨次出至教場各照風障馬拴列爲
五層中軍官待隊伍放畢鳴金鼓執五方門角等
旗赴教場將臺前擺列停當俟總兵出城號頭響
搥鼓三次張大旗鳴金擊鼓旗臺喇叭號頭齊響

下馬入廳鳴金止中軍稟放砲掌號笛中軍兩哨
各出紅旗向北放起火箭三枝砲三箇擔旗三次
吶喊三聲號笛響千把總管隊官旗挨司隊赴將
臺東西擺列聽發故事畢鳴鼓各回原地聽令望
旗臺舉紅旗聽單唵囉響擡把點鼓行百步咧咧
響擔旗吶喊安把按旗聽四聲喇叭響攢隊旋轉
面北打得勝鼓回至八十步六十步四十步各聽
咧咧擔旗三次吶喊三聲各至風障前鳴金旋轉
面南站立射箭將臺舉紅旗徹把回至風障前候
中軍官稟放砲擔旗吶喊發搥畢始落大旗望將

臺招黃旗各捧馬聽雙唵囉響上馬至旗堆前面
南五層站立聽中軍點鼓往南徐行至教場中心
兩哨面向東西劄隊俱至四十步馬路站立待中
軍五方旗過挨隊散歸入城以上號令違者以軍
法從事舊法久廢以犒賞不給隆慶五年巡撫張學顏請將本鎮還官月糧銀兩聽各寺道分給為操練之費復行如舊

一營陣官軍看旗臺舉雙紅旗捧馬中軍舉單果號
帶俱至旗堆前一層站立舉單黃號帶分為二層
舉單紅號帶分為三層破空擺列聽唵囉響上馬
點鼓行至看軍臺南鳴金止唵以響旋隊向北聽

中軍唵唵響下馬唵囉響上馬放火炮捲旗三唵
喊三長聲唵以響點鼓前後三層各離二十步俱
北行攢隊唵以響三隊照舊破空擺列敵從北來
放砲一發插戰聲唵以響第一層馬隊單擺開唵
喊各執弓箭鎗銃刀牌迎敵三衝賊退鳴金止鉞
響收隊長聲唵以響點鼓第二層馳出二十步敵
復來放砲一發插戰聲唵以響單擺開唵喊如前
迎敵賊退鳴金止鉞響收隊長聲唵以響點鼓第
三層又馳出二十步敵再來放砲一發插戰聲唵
以響單擺開唵喊迎敵如初賊退鳴金止鉞響收

隊聽九聲喇叭響旋隊面南篩金打得勝鼓喇叭
號頭齊響到教場看軍臺中鳴金止看中軍放雙
起火中層隊伍分爲二層定立南北不動放砲一
吹海螺鳴金打得勝鼓唳囉喇叭笛兒齊響下營
鳴金止篩鑼出夜不收架砲咧咧響下馬拴絆擺
列二層每人捧馬二匹其餘官軍離營二十步單
擺開如架砲夜不收報北面有賊北門放砲一中
軍接砲一發插步衝三次擔旗吶喊三舉皂旗中
軍發牌三百開東西北三門插鼓不絕遊兵由北
離營二十步單擺開東西面遊兵由東西出接北

面遊兵兩哨單擺開敵復從北來北門放砲一中
軍接砲一發插戰聲喇叭響交鋒三次每次擔旗
吶喊一聲各用弓箭鎗銃刀牌射打敵退鳴金止
中軍擔旗三吶喊二鉞響收隊打得勝鼓仍從三
門進入原地鳴金止東西南三面攻戰俱同如四
門有賊四門各放砲一中軍接砲一發插步衝三
次擔旗吶喊三五方號帶齊舉四門各舉旗中軍
發牌四面開四門外營遊兵出營二十步兩哨單
擺開二營子營遊兵繼出居中單擺開敵復從四
面來四門各放砲一中軍接砲一發插吹戰聲喇

叭響交鋒三次吶喊三官軍擒賊敵聚眾來救復
各用神鎗銃砲刀牌射打賊退鳴金止聽中軍擔
旗三吶喊三鉞響收隊塘馬俱掣南牆分左右對
外營劄隊鳴金打得勝鼓各從四門進入隨即押
赴中軍審驗畢各還原地鳴金止聽中軍唵囉響
上馬清隊喇叭響攢隊放砲一長聲喇叭響各入
風障

一操練官軍到教場馬步隊俱演武廳兩邊站立看
將臺招紅旗官軍俱拏馬看中軍舉起黃紅皂號
帶起官軍入前站立聽唵囉響俱上馬點鼓往南

行間中軍掌單吉子響擔黃號帶三次吶喊三
聲望軍臺上放砲一箇敵馬來中軍發插吹戰聲
喇叭響迎敵南牆下金響止單吉子響旋回面北
喇叭響清隊看中軍放雙起火起選鋒官軍分爲
七路大營官軍亦分五路點鼓往北行間將臺上
放砲一箇中軍望軍臺上接砲一箇敵馬來中軍
放起火一枝選鋒一字陣單擺開點鼓又行間雙
起火起中軍發插海螺大小號頭齊響中軍下營
隨即下馬一人拏馬五匹其餘破縫隨擺長圍各
用弓箭鎗砲射打交鋒迎敵賊退金響止

一掣選鋒官軍入營聽中軍掌收兵單喇叭響選鋒
官軍入營拏馬單唵囉響上馬單喇叭響清隊聽
中軍篩金打得勝鼓進入原擬地方金響止下馬
一北向有哨馬夜不收探賊復來報到北向放砲一
箇中軍舉起皂號帶起了中軍再接砲一箇吹單
唵囉響選鋒上馬營門放起火一枝中軍發牌一
面開門戰聲喇叭響放選鋒官軍即出迎敵賊退
金響止中軍再吹單喇叭響清隊聽中軍篩金打
得勝鼓進入原擬地方金響止下馬其東西南三
面有賊來衝俱照北面衝戰相同惟號帶隨方色

舉用

一四面有哨馬夜不收探賊復來報到四面放砲四
箇中軍接砲一箇四門舉起四色號帶起聽中軍
吹單唵囉響選鋒上馬四門放起火四枝中軍發
牌四面聽發插戰聲喇叭響選鋒官軍即出各面
單擺開策應迎敵賊退金響止中軍再吹單喇叭
響清隊中軍篩金打得勝鼓挨次進入原擬地方
金響止下馬

一開營聽中軍單吉子響擔黃號帶三次吶淨喊三
聲收兵喇叭響合營官軍入營拏馬雙唵囉響俱

上馬喇叭響劄隊單起火起過隊各歸風障站立
各照隊伍拴絆馬匹即赴旗鎗堆五層擺列聽號
頭響安把射箭如違重治

一較閱馬步箭總兵府舊有箭場規制促狹難以容
衆且馳射不便故驗軍驗馬及閱視家丁多在堂
階今廣其制給官價易買周以繚垣建以射廳名
曰安邊報國計長五十二丈濶十丈弘敞寬廣視
前增倍軍士家丁日省月試則可分行隊及各營
解驗馬匹則馳騁較閱操演頗宜

萬曆二年巡撫
張學顏增修

一去令主將之令行於各部哨千總千總之令行於

該管把總把總之令行於管隊管隊之令行於軍
士凡一卒犯令罪及管隊一隊犯令罪及把總等
而上之以次連坐若一部犯令罪及叅遊如能先
首者不坐六路營伍兵馬春秋操閱如違令者俱
遵近題軍法行事士卒聽管隊插箭割耳千總把
總斬首把總聽中軍千總割耳叅將遊擊斬首叅
遊犯令聽軍門撫鎮徑遵法制其夜役不守信地
或妄傳不實輕則網打割耳重則解赴撫鎮衙門
以軍法從事如將內地消息透露役不得夷真情
者即斬

一陞賞凡軍民人等斬獲首首一顆者照嘉靖四十二年題 准事例陞官一級不願陞者給銀五十兩鄉村壯夫及官兵途遇零賊斬首一顆者照例給銀五十兩如斬首首一顆者陞三級○臨陣血戰擒斬賊首一顆者陞官二級亦有陞三級者不願者賞銀一百兩所獲馬牛輜重盡行給與○丁夜等役依撥報事在百里內報實者賞銀五兩或十兩在二百里內報實者賞銀十兩或二十兩深入虜巢探聽約確虜欲大舉說以利害侵其響往或虜謀已成勢難必遏或用計用財誘入伏內兼

得奇功應超賞者給銀一百兩仍具題超陞

一乘塞廣寧鎮自三岔河西岸起歷西寧鎮武正安錦義寧前沿邊一千一十二里除山險外凡平地處俱磚砌邊城每十丈上砌堦口一箇每城二十五丈下甃券甕圈一所為窩舖鎮武屬下西寧等三堡共券修窩舖五百三十八所鎮武本堡券修窩舖二百三十五所正安屬下鎮寧至鎮夷六堡共券修窩舖二百二所義州屬下大清至大定七堡共券修窩舖七百七十所錦州屬下大茂至大興五堡共券修窩舖七百二所寧前屬下椴木衝

至仙靈寺十堡共券修窩舖八百二十二所前屯屬下黑庄窩至鐵場一十一堡共券修窩舖七百七十六所每所高八尺濶六尺深一丈四尺外面各留窓眼十孔備放箭銃居兵戍守各給食鍋一口及應用家火遇警各照分布垛口執兵器者登城拒守司火器者於中聽緩急攻打萬曆元年總督侍郎劉應節巡撫都御史張學顏創設

一路臺自山海關至開原城延袤一千四百餘里行旅居民時罹虜害乃創置路臺設兵瞭守量地衝緩建置緩者五里一臺衝者二里或三里一臺每

臺高三丈五尺周濶十丈上置舖樓垛口外用磚砌城周四丈券門鐵裹又重築土墻斷品字濠塹栽植柳林瞭守軍五名共一千一百五名各置號旗銃砲火器弓矢專守傳報行旅居民遇急趨避於內巡撫蔣應奎吉澄王之誥魏學曾張學顏歷年增置

一車制以戰車四百輛為一營其車用雙輪左右前三面為廂中安快鎗或佛朗機少五六杆多七八杆口出前板之外柄安置于中緊頂于後將火線火藥鉛子盛置停當上覆以木板遇賊欲放將覆板懸于前板之上比前廂板高出二尺勢如築墻

緩則先放火器一二杆急則齊放放盡取出裝藥
遞相安置輪放前板居中大約寬約三尺兩傍二
扇各二尺制爲門扇以鐵爲鉤行則折回下管則
相聯別車俱盡獸面路濶數輒並行狹則單行順
推逆挽前後俱便

一支糧例指揮以上每官一員月支米三石歲支米
三十六石千戶以下每官一員月支米二石歲支
米二十四石旗軍每名月支米一石歲支米一十
二石閏月各照支給歲以上六月支米下六月折
銀每米一石折銀二錢五分

如以地方荒歉加官折或倍不爲常例

員月支外各照品級石數折鈔每米一石鈔銀四
分五釐俸糧歲以二季關支旗軍月支外有年例
賞賜綿布四疋綿花一斤八兩折銀九錢歲冬支
給鹽鐵屯軍同哨守墩軍出哨夜不收歲冬頒給
衣鞋○公差厚米客兵糧料因其職務大小戍守
遠近增減

一草料例各營堡征操官軍下馬弁各將官戰馱馬
除夏秋外春冬六箇月支料每匹大月支九斗小
月支八斗七升正二三月支草每匹大月支
秋青草三十束小月支二十九束後因年荒屯軍

消乏徵納不前其海州等城營馬各近草場自行採牧惟廣寧左等十哨馬去草場頗遠照常折支其三萬遼海鐵嶺三衛軍下馬春季支屯餘採積本色秋青草大月三十束小月二十九束調操官軍并安樂州達官頭目各馬草俱戶下餘丁自備其各營自備鞍馬隨操頭目土軍下馬不支料草各驛走遞馬驢除夏秋外春冬六箇月支料馬每匹大月支九斗小月支八斗七升驢每頭大月支四斗五升小月四斗三升五合俱折色不支草金復蓋三衛驛馬原無料草

一行糧例廣寧調到各城團練換班選鋒軍壯每名日支折色粟米一升五合正馱馬每匹日支折色料三升草一束各城副叅遊備各營隨操軍馬各在本處及百里之內無行糧如遇征調出百里之外千把總每員日支折色粟米三升管隊官旗并隨伍軍士每員名日支折色粟米一升五合千把總每員正馱馬二匹官旗軍士各馬一匹每匹日支折色料三升草一束如駐劄久近日期多寡隨戶部總理衙門斟酌准給其入衛薊鎮遊兵并軍門標兵中軍千把總官每員日支折色粟米三升

管隊官旗幟頭目軍舍日支折色粟米一升五合
各官軍下正馱馬每匹日支折色料三升草一束
除在關西照例日支外往廻關東至寧遠城止准
一日錦州城准二日義州城准三日廣寧城准四
日遼陽等城准六日其餘日期不准支給

一養馬行太僕寺專督驗各營馬匹春秋二季查選
分爲等第臙壯者爲上等臙次者爲中等再次者
爲下等填註冊籍上等省令自養中等下等委官
監督本軍攢槽喂養查驗料草瘦弱不堪者許變
賣賠補每季各兵備道同本營將領稽查論等賞

罰例同種馬苑馬寺專理種馬每馬一匹用正養
軍一名貼養軍一名每正軍五名共攢一槽令騾
馬四匹搭配兒馬一匹各照本伍夥蓋厰房自十
月至三月共攢槽喂養四月以後日出牧放日入
收回遇有倒失虧駒與同原撥貼丁五名共十人
均派賠補如種馬齒老殘疾瘦損飄沙及駒子短
縮俱各估計時值准其賣銀納官騾馬寬以間歲
追徵一駒兒騾馬毛色亦爲上中下三等填附季
報馬駒二歲以上另撥他戶餵養虧駒者徵銀一
兩五錢貯庫候買四尺大馬備操騎用四季點查

季終稽覈牧馬官軍功罪如中等陞至上等下等
陞至中等俱免責如下等陞至上等者除犒賞外
仍免本軍攢槽及工役如照舊等未加騰者重責
不及原騰瘦弱者細打仍着攢槽餵養監養官員
論分賞罰以十為率進等三分以上者賞六分以
上者獎由八分以至十分者獎賞並行仍另敘用
如騰不加者重責罰俸下等二分以上除責罰馬
一匹革任下等四分以上及倒失數多細打罰馬
二匹黜革

國初原設行太僕苑馬二寺專督孳牧
至成化十四年奉例令行太僕寺少卿

專督驗操馬苑馬寺少卿
專理兒課種馬迄今遵制

一塘撥撫鎮衙門并六道分營各營路俱置塘撥軍
馬每十里一撥馬五匹軍五名各分擬地方走報
緊急軍情該營地方一面傳至本路將領一面傳
至各道巡撫總兵衙門止每半月更替撥歲為
常規巡撫總兵衙門仍轉報兵部總督軍門
一安降夷凡降夷及被虜華人投歸各計口館養願
回原籍者聽無家者分發各營操備於總兵衙門
東北隅易房地一處建房三十七間以處降夷充
家丁者於寺前官地建受降所營房一百一十七
間以居北虜投降城外關廂內易買園地一處營

房二百餘間以處建州投降者俱築堅牆仍建大廳及防守官房又選立隊長編成次序責頭目一員監其出入計月給糧官廳名曰歸正俱隆慶六年題建

一撫賞 國初兀良哈等效順內護有功歲許賞麥累朝不廢迄今種類益繁賞資錢糧視昔為倍○撫賞海西朝京都督每名牛一隻大果卓一張都指揮每名羊一隻大果卓一張○給賞海西買賣都督每名羊一隻每日卓面三張酒三壺都指揮每名羊一隻每日卓面一張酒一壺各部落每四名猪肉一斤酒一壺○賞賜傳報夷情夷人白中

布三疋卓面二張酒二壺○撫賞三衛買賣達子大頭兒每名襖子一件鍋一口靴襪各一雙青紅布三疋米三斗大果卓面半張○零賞三衛達子每名布一疋米一斗兀堵酥一雙靴一雙鍋一口每四名果卓一張近邊住牧換鹽米討酒食等夷人守堡官量處撫待

一燒荒歲冬鎮守總兵官會同贊理軍務都御史奉勅移文各路副總叅遊守備備禦提調守堡等官遵照會行日期各統所部兵馬出境量地廣狹或分三路五路首尾相應而行預定夜不收分投哨探放

火沿燒野草盡絕聽令安營吹號笛擊鼓聚官發
放畢乞討夷人至營外求見發牌開門鼓吹齊舉
通事引入拜見量給酒肉令出開營回兵入境兵
馬各令附近屯堡休息存留夜不收并標下官軍
站立一營圍夷人多寡携婦女老幼入關門投見
令通事譯傳宣布

朝廷恩威地方利害量給卓面酒肉塩布胭脂靴襪之
類或有號稱大頭領及預有報事等項勤勞者亦
賞牛羊段襖銀牌賞畢夷人出境兵馬俱在邊宿
歇次日歸城廣順關賞海西夷人鎮北關賞福餘

徇夷人撫順關賞建州夷人鎮遠關賞朵顏泰寧
夷人近年兵馬出邊燒荒俱至二百里之外順風
舉火草莽焚燒盡絕賊聞兵馬出境皆遠遁絕無
蹤跡前項賞資皆省

效祖曰遼鎮之防頻年出車兼羽者可謂具智兩
矣然間有滯淫未舉及舉之如畫餅者則以輿輦
之未充雖挈瓶有不能施者如舊遼陽之當復海
運之當開寧前乘障之當設皆非薄物細故也可
以爰爰覘之乎

薊鎮經畧

雜防

一剷偏坡邊外山坡平漫勢可馳驟難為守者隨其
高下剷成濠塹以限虜馬○山海路南海口起至
寺兒谷止土石偏坡八百一十一丈○石門路一
片石起至其泉堡止土石偏坡六千四百二十八
丈○臺頭路箭桿嶺口起至大青峪臺止土石偏
坡五千五百一十一丈○燕河路劉家關起至西
尖山傳烽墩止土石偏坡三百二十八丈石門子
口西界起至劉家營西界止土石偏坡三千六百

六十丈○喜峯路大喜峯口起至小喜峯口止土
石偏坡一千四十丈○太平寨路白道子關起至
爛柴溝止土石偏坡六千三百丈榆木嶺關起至
石梯子止土石偏坡八千三百一十四丈○松棚
路潘家口關起至椽八峪寨止土石偏坡四千二
百丈廖家谷寨起至三道嶺寨止土石偏坡七千
三百六丈千家谷關起至山口寨止土石偏坡八
千一百三十八丈○馬蘭路石崖嶺起至冷嘴頭
關止土石偏坡五千五百七十九丈鮎魚石關起
至平山頂寨止土石偏坡七千七百一十八丈太

平安寨起至黃崖口關止土石偏坡一千九百五
十五丈彰作里關起至峨眉山寨止石崖偏坡四
千二百八十二丈○墻子路大黃崖關起至黃門
口關止土石偏坡二千六百九十七丈灰峪寨起
至無嘴墩止土石偏坡三百五十四丈○曹家路
西琵琶稍起至狗皮嶺止土石偏坡三百七十六
丈青石虎臺起至峯窩頂臺止土石偏坡二百五
丈○古北路蠶房寨起至潮河一寨止土石偏坡
九千八十一丈有奇古北口關起至盧家寨止土
石偏坡二萬一千九百五十七丈○石塘路開連

口起至石塘嶺關止土石偏坡四千九百九十七丈五尺馮家峪關起至東駝骨關止土石偏坡一千二十九丈

一鑿品坑山坡平漫高下不一坡處鑿成品字坑以限虜馬○古北口關品字坑二萬處○山海關品字坑一千二十八處

一種樹木沿邊墻內外虜馬可通處俱發本路主客軍兵種植榆柳桃杏以固邊險○密雲道墻子曹家占北石塘四路北栽過榆柳一百六十八萬四千一百五十三株種過桃杏等種子五十九石九

斗○薊州道太平喜峯松棚馬蘭四路共栽過榆柳雜樹四百四十七萬一千一百四十七株種過桃杏等種子一百石○永平道石門臺頭燕河山海四路共栽過榆柳雜樹三百一十二萬五千一百八十七株種過桃杏等種子三百九十石六斗

總督侍郎劉應節請題建

一招降叛華人被擄投歸夷人效順向化者各關守提審實送本路主將轉解總督撫鎮衙門收發各營免其差役厚加存恤華人願歸籍者聽有司仍加優恤各將領守提以招降人數為績殿最每臨

敵陣前立降旗二面望風歸投者引至旗下俟收
兵安營畢主將審實收養居常各關散布信令如
華人爲虜作奸細潛入邊境有悔悟自首者仍免
罪收養如能虜中相率百名以上來歸者量授官
職三百名以上來歸者授世襲指揮僉事五百名
以上來歸者授世襲指揮同知如能計斬小酋首
級來獻者授世襲指揮使仍賞田宅銀二千兩如
能計斬大酋首級來獻者授伯爵仍賞田宅銀五
千兩

效祖曰今薊之言邊務者不過戰與守然中堅下
壁非眡優所具悉也故有戰者有不戰者有守者
有不守者有不戰而戰者有不守而守者有戰而
不戰者有守而不守者要在隨其機宜而威謀靡
充不可以其曼衍故薄而不爲也不則古之出奇
制勝而所向無不如意者戰豈在多守豈在固哉

昌鎮經畧

雜防

一剗偏坡邊外山坡平漫勢可馳驟難於守者隨其
高下剗成濠塹以限虜馬○黃花路西星口起至
开連口止土石偏坡一萬六千三百九十八丈○
居庸路灰嶺口起至軟棗頂止土石偏坡一萬
三千三百六丈○橫嶺路松湖口起至高堂口止
土石偏坡一萬八千六百八十一丈

一種樹木沿邊牆內外虜馬可通處俱發本路主客
兵種榆柳雜樹以固邊險○黃花居庸橫嶺三路

栽過柳木等樹六萬三千六百六十二株

一塞隘口沙嶺口外設鹿角榨木三層○灰嶺口外設鹿角榨木五層猱頭榨木南北一丈五尺拘馬品字浮石南北一百丈水口順河荆園十層○門家峪一片石水口外鹿角榨木三層○賢庄口外鹿角榨木五層猱頭榨木南北一十四丈荆園五層拘馬品字浮石南北一十四丈○錐石口外鹿角榨木五層水口外鹿角榨木四層猱頭榨木南北二十丈荆園五層拘馬品字浮石南北二十丈○德勝口外鹿角榨木十層猱頭榨木南北一十

二丈荆園五層拘馬品字浮石南北一十二丈

四十五年侍郎劉壽巡撫副都御史耿隨御題建

一招降叛 見薊鎮

效祖曰庚戌之變虜騎稍薄甘泉顧所駐皆曠野平川即有櫛樛枳椇者掉頭去不顧蓋恐我為伏匿而遂遂有恐心也昌鎮

陵寢重地兵衛如林而諸凡製具亦備矧

祖宗在天有靈自當震懾腥羶之狂狡其何敢仗箠策而窺金狄哉

真保鎮經畧

雜防

一剷偏坡邊外山坡平漫易于馳驟難為守者隨其
高下以致陡峻剷成壕塹以拒虜馬○紫荆關下
虎爪石口起至忙兒溝口止土石偏坡五千五百
二十五丈二尺○長嶺兒口起至水峪口止土石
偏坡二千五百丈○蘆子溝口起至五枝口止土
石偏坡三千二百二十九丈五尺○馬水口起至
栢連澗止土石偏坡四千一百七十一丈○沿河
口起至支鍋口止土石偏坡四百六丈○火燒嶺

起至庄窠澗口止土石偏坡六百二十一丈○倒
馬關下五枝山起至黑石溝口止土石偏坡一千
四百九十丈○虎伏溝起至本口止土石偏坡二
百四十三丈○下竿嶺口起至魚兒創口止土石
偏坡二百三十八丈○火炭溝口起至夾耳安口
止土石偏坡五百五十二丈○龍泉關下本關起
至鷄子崖止土石偏坡六百七十三丈○車孤駝
起至紅沙崖止土石偏坡一十二丈○娘子關口
起至新城口止土石偏坡五百四十一丈五尺○
滴水口起至本口止土石偏坡二丈

一鑿品字坑山坡平漫高下不一難為偏坡處鑿成
品字坑以限虜馬○倒馬關插箭嶺城外大墩迤
西挑品字坑三層○東窰峪下挑品字坑三層○
跌馬崖城外挑品字坑三層

效祖曰古人於殪戎之策釋結靡遺其可恃者最
急營部之強乘障之固也真保在內地即有虜警
非猝爾可至以逸待勞以靜制動或設伏以邀之
或據險以阻之或以疑兵誘其前或以勁兵遮其
後至如路可塹者河可浚者岡巒可剷削者何莫
非衣袵之所有事乎

途鎮經畧

雜防

一剷偏坡邊外山勢平漫夷馬易於馳驟各隨高下
剷如陡崖高二丈五尺隨高下不等剷成品字濠
塹以限虜馬○廣寧屬下鎮邊堡偏坡八百一十
丈○義州屬下大寧堡偏坡一千五百七十四丈
太平堡偏坡五百四十八丈大安堡偏坡二十九
丈大定堡偏坡四十丈○寧遠屬下椴木衝堡偏
坡四百五十丈松山寺堡偏坡一千四百二十丈
灰山堡偏坡五百七十七丈寨兒山堡偏坡五百

九十丈白塔峪堡偏坡八百八十丈興水堡偏坡
二百五十三丈○前屯屬下瑞昌堡偏坡一千三
百九十六丈鐵塲堡偏坡二百七十九丈○海州
屬下東勝堡偏坡三百三十五丈○遼陽屬下長
寧堡偏坡一百八十五丈長勝堡偏坡二百四十
丈長勇堡偏坡三百二十丈○瀋陽屬下長營堡
偏坡四百九十七丈上榆林堡偏坡三百八十三
丈十方寺堡偏坡二百八十二丈○開原屬下清
陽堡偏坡五百四十八丈永寧堡偏坡二百七十九
丈慶雲堡偏坡三百九十二丈定遠堡偏坡一百

八十丈鎮西堡偏坡三百六十八丈曾遲堡偏坡
二百五十九丈宋家泊堡偏坡二百七十九丈丁
字泊堡偏坡三百九十七丈以上偏坡絕頂處俱
用磚砌堦口接城墻者用磚石補砌使坡形墻形
相聯如一

一修水口廣寧鎮水口共七十八處河東水口共六
十二處各處寬濶不等勢皆平漫虜馬易涉於水
勢平淺口面窄狹者下安木石大椿上鋪木板數
層以磚石砌如城樣復置堦口或以木爲柞便於
流水如水流衝激口面深濶者中置船筏上安木

梁水緩則聯繫中流水漲則分繫兩岸仍於水口兩邊或藉山勢或就地形各順砌石根牆臺接連邊城以防衝潰以便瞭望設軍時常巡守

一懸樓虜逼城下守城軍不得出首窺望俱造懸樓照宣大式安置城梁上挺出女牆外三面用板粧俱留箭銃眼以備擊打虜不敢近城掘土仰視如式置造共二千八百八十三架分給各處城堡每衛城給一十六架每所城給一十二架每驛城給八架每大堡城給五架小堡城給四架遇警軍士登樓拒守

隆慶五年巡撫副都御史張學顏建

一裏濠開原地方邊城內挑挖裡濠開原等五城堡經長二百二里深一丈五尺將濠內土即補築城牆高厚每歲春秋修濬

隆慶五年參將郭應徵都指揮姚天與修設

一備倭本鎮東西北三面控虜南臨渤海時被倭患我 國初立金復蓋三衛防護自劉江望海埚之捷倭奴至今懷畏不敢窺遼境雖承平日久猶思患預防原設守備一員領城堡六十座墩架九十五座兵一千七百七十五名馬五百七十一匹兼防海內島嶼草寇

一安島民本鎮軍民逃避差役竄伏海島逼近山東

登州地方官司不能勾攝居海島水洲時常爲寇
逋逃愈歸爲黨題准將遼東管局都司移駐登州
永爲定制專管島民以事譏察先行撫馭招徠入
籍三千九百名口於首者給以賞賜榮以冠帶寬
本身力役之征復免三年差徭逃移既歸官在登
州無所事事今已撤回仍管原務無撫歸民

經畧
侍郎

汪道昆巡撫副都
御史張學顏議設

一外禁遼邊境外多物產如貂皮人參材木魚鮮之
類邊人圖利往取多被虜害又恐與虜交通我

太祖高皇帝詔定大明律令有私出境外及違禁下海

軍民違犯或守邊官故縱者皆從重治今未遵守
效祖曰遼鎮之邊視薊爲踈故虜得數數入即哨
瞭得人烽燧及期要無濟於奔突之去來也故矜
穢之戒視薊又宜多其具不獨在兵馬已也然則
繫宜多濠宜深路宜迂迴堡宜環峙行者宜結隊
居者宜守望在全鎮皆然而寧前尤急

四鎮三關誌卷之六終

臺灣國家圖書館, NATIONAL CENTRAL LIBRARY, TAIWAN, R.O.C.

四鎮三關誌

伍 臺灣國家圖書館, NATIONAL CENTRAL LIBRARY, TAIWAN. R.O.C.



四鎮三關誌卷之七

制疏考

四鎮制疏總論

效祖曰君臣之分高卑懸絕蓋自天地設位已然
矣然其情之疏通而罔間者非文詞安所藉焉故
君謂臣則有詔有諭有誥有勅臣謂君則有題有
奏有策有議凡此皆所以宣上德達下情而敷治
宣猷之不可廢者也其在內治靡不爲然而障徼
飛轡又蒸其本篤焉今詳括而類收之以見一德交
承之盛作制疏考



薊鎮制䟽

詔勅

勅兵部左侍郎兼都察院右僉都御史孫檉

近因虜寇越關深入殘害畿輔地方今雖退遁而沿邊一帶誠不可不爲之備該大學士嚴嵩等題稱薊州一鎮密邇京師關係尤重但兵馬單弱宜選風力大臣提督該鎮軍務庶幾緩急有濟勅下該部議覆前來相應依擬今特命爾前去提督薊州軍務爾宜查照該部題覆事理嚴督所屬整擗軍馬鋒利器械謹慎烽堠以備不虞其有關隘牆堡應該修築增補

者即便相度具奏興工其撫鎮叅遊等官俱聽節制
一遇有警即行調集遼東真保河間等處兵馬相機
應援各該將領等官臨陣之際有不用命者自指揮
以下許以軍法從事有司官員有犯即便拏問凡軍
中事宜勅內該載未盡者悉聽便宜區處爾爲大臣
受茲簡命宜殫忠竭慮多方經畧計出萬全必使戰
勝守固以紓朕北顧之憂斯稱任使毋或因循怠忽
致誤事機青有所歸爾其欽承之故諭

勅總督薊遼保定等處軍務兼理糧餉兵部左侍郎兼
都察院右僉都御史譚綸

薊鎮切近京師寔係藩籬重地茲特命爾總督薊遼
保定軍務兼理本處主客軍餉爾宜查照該部節題
事理嚴督所屬整搦軍馬鋒利器械謹烽埃以備不
虞如各處兵數不足設法召募務使充實關隘牆堡
應該修築增補者即便相度具奏興工其薊遼保定
鎮巡并各鎮叅遊所屬地方各道兵備添設修築墩
堡等項官員俱聽爾節制各領兵等官敢有臨陣不
用命者自都指揮以下許以軍法從事爾仍督同各
該巡撫及管糧郎中等官凡遇糴買主客兵糧料草
督令守巡兵備官估計召商比較完納各倉庫支放

巡撫并郎中主事各照分定地方掌管先事儲積臨時供億俱聽爾調度如有不敷爾即具奏請給每年防秋畢日督行各官分別主客各開有無支剩并計算下年應該添買之數題請其在鎮糧草支用不及者或改撥搬運聽爾從宜處置凡官商埋沒將領剋削及一切浪費冒支等弊應拏問者就便拏問應叅奏者指實叅奏各分定地方官員如違悞糧餉守巡兵備等官假以邊務規避召買致悞軍機者爾即奏來處治其餘軍衛有司官員有犯輕則徑自提問重則叅奏究治庸懦不職者一體糾劾凡軍中一應事

宜并勅內該載未盡者悉聽爾便宜區處仍不妨練兵原務爾為大臣受茲簡命宜殫忠竭誠多方經畧計出萬全必使戰勝守固士飽馬騰以紓朕北顧之憂如或因循怠忽責有所歸爾其欽承之故諭

勅總督軍務都察院右都御史兼兵部右侍郎劉應節
朕受

天明命君主萬方內夷外夏無不欲其得所昨歲北虜款關乞貢議者紛紛可否互異朕方欲廣并包之仁故不責既往納其獻獻授以官職許為外臣然夷狄之性叛服不常制禦之方自治為要况薊鎮地方逼

鄰東虜今俺酋雖稱款順土蠻尚爾陸梁桑土之防
倍宜加慎近該輔臣建議請降勅諭申飭各鎮文武
諸臣及時整理邊務誠為安攘至計茲特諭爾除職
掌所係照常脩舉外乘今邊患稍寧嚴督鎮巡兵備
等官將一應戰守事宜着實整理搏節費用務有贏
餘訓練兵馬務皆精壯召種屯田務廣儲蓄清理鹽
法務使疏通哨探虜情務得端的調遣應接務中機
宜援兵雖不可驟罷亦要設法練集土著以圖戰守
墩臺雖已行脩築尤須多備守臺器具以資捍禦若
事有不便應合改絃易轍者亦須明白具奏請旨定
奪毋得拘泥陳說因循自悞以後每年聽行邊大臣
查覈紀驗果能事事整飭著有實績比照擒斬事例
重加陞賞如踵襲故套推諉誤事即照失機從重擬
罪爾為督臣受茲委任宜殫竭忠謀悉心區畫務俾
邊政脩舉日勝一日禦虜之算萬全無遺斯副朕付
托之重如或怠玩廢弛以致僨事責有所歸爾其慎
之慎之故諭

勅總督兵部右侍郎兼都察院右僉都御史楊兆

薊鎮切近京師實係藩籬重地茲特命爾總督薊遼
保定等處軍務兼理薊昌二鎮主客軍餉爾宜查照

該部節題事理嚴督所屬文武將吏整搦軍馬鋒利器械謹明烽堠以備不虞如各營路軍伍不足設法募補務使充實各處清勾改編到軍士督令安插得所如法訓練關隘牆臺應該增脩者即便相度具奏興工各路營城距邊有在十里五里之外者酌議移置近邊以便戰守近年所造戰車遇有損壞缺少務即以時脩補入衛兵馬有以老弱充數宜嚴加查核各處班軍全無盛甲器械與不習戰守宜即議處練習俾得實用宣府盆東一帶土牆樓櫓係

凌寢後蔽爾每歲會同該鎮鎮巡等官查閱一次應修理者具奏脩理

天壽山東西山口空缺宜議增車營以資防禦其薊遼昌平保定鎮巡協守分守副叅兵備及統領入衛領班等項官員俱聽爾節制如遇虜賊入犯即嚴督各官相機勦殺各領兵將官有臨陣退縮承遣逗遛抗違軍令及沿習舊套割取死首冒功脫罪者叅將以下許以軍法從事副總兵以上先取死罪招由奏聞處治爾仍督同各該巡撫及管糧郎中等官凡遇糴買主客兵糧料草查照定額督令守巡兵備官估計召商比較上納各倉庫以時支放歲終仍督行各官

分別主客各項有無支剩并會計下年應該添買之數先期題請其各路所派糧草支放不便或宜改撥搬運聽爾從宜處置凡官商埋沒將領剋削一切浪費冒支等弊及管糧官違悞糧餉兵備官規避召買應拏問者就便拏問應叅奏者指實叅奏其餘軍衛有司官員有犯輕則徑自提問重則叅奏究治每防秋畢日將各軍職兵備官員分別舉劾有司不職者一體糾奏凡軍中一應事宜并勅內該載未盡者悉聽爾便宜區處爾受茲簡命宜殫忠竭誠多方經畧計出萬全必使戰勝守固士飽馬騰以紓朕北顧之

憂如或因循怠忽責有所歸爾其欽承之故諭

勅獎總督兵部左侍郎兼都察院右僉都御史楊兆

朕仰承

烈祖

神宗之耿光丕庥四方萬國靡不懷服蠢惟醜虜恃其控弦之衆憑陵邊鄙無歲無之朕以爾蔚有遠猷心在王室授之專闡冀紓東顧之憂而爾能殫竭忠勤督勵將士調度方畧悉中機宜頃虜乘我解嚴飄忽東犯而各該兵將聞警雲集是張犄角之形以遏跳梁之勢斬首二百奪獲馬駝兵械無算餘虜狼顧惕

息虓魄奔逐大伸中國之威靈時惟爾功捷書馳聞
朕心嘉悅特用授爾勲階給與應得誥命賞銀六十
兩紵絲四表裏廕一子入監讀書仍賜勅獎勵於戲
威武奮揚既著發縱之效邊疆底定尚紆善後之圖
宜益勵其初心用對揚於休命爾其欽哉故諭
勅獎總督薊遼保定等處軍務兼理糧餉兵部左侍郎
兼都察院右僉都御史楊兆

朕續承

皇祖

烈宗之不緒撫有方夏三垂晏若方內以寧念保治之

大猷在戎兵之克詰爰遣重臣時巡邊鎮簡稽軍實
覈課功能茲者還報稱爾作鎮北門和洽東土畢收
群策而張弛協宜坐制諸夷而威信著繕塞垣則
既崇且固練卒乘則有勇知方至于遼左之開疆寔
本師中之授算惟茂績備微于八事肆休聲獨冠於
一時朕念尔勞良用嘉悅茲特賜勅獎勵仍賞銀五
十兩紵絲四表裏以示眷酬爾尚益茂忠猷弘攄遠
略萬全取勝愈嚴棄土之防先事制人未壯干城之
績則予一人以懌且存有顯陟焉欽哉故諭
效祖曰典邊之責至嚴且棘矣往

世廟時督過封疆臣日惴惴焉求伏匿不暇安從覲寵
靈乎乃公以閔才際

泰運年來關鎮底寧至厯

璽書下被甄藻輝煌不一足古語云聖人有金城者比
物比志也其公之謂歟

勅整飭薊州等處邊備兼巡撫順天等府地方都察院
右僉都御史楊兆

目今北虜欵順邊患稍寧正宜及時修舉邊務以圖
久安長治况薊昌密邇京師逼鄰東虜今俺酋雖稱
賓服土蠻尚爾陸梁系土之防倍宜加慎近該輔臣

建議請勅申飭各鎮文武諸臣誠爲安攘至計茲特
諭爾除職掌所關照常修舉外乘今警報稍息督率
兵備將領等官將一應戰守事宜着實整理樽節費
用務使贏餘訓練兵馬務皆精壯召種屯田務廣儲
畜清理鹽法務使疏通哨探虜情務得端的調遣應
接務中機宜援兵雖不可驟罷亦要設法練習土著
以圖戰守墩臺雖已行修築尤須多備守臺器具以
資捍禦如事有不便應合改絃易轍者亦要與總督
鎮守協心計議具奏定奪毋得拘泥陳說因循自悞
以後每年聽行邊大臣查覈紀驗果能事事整飭著

有實績比照擒斬事例重加陞賞如踵襲故套推諉
誤事即照失機從重擬罪爾爲撫臣受茲重任宜殫
竭忠謀悉心區畫務俾邊政修舉日勝一日禦虜之
算萬全無遺斯副委託如或怠玩廢弛以致債事責
有所歸爾其慎之慎之故諭

勅都察院右僉都御史王一鶚

今特命爾整飭薊州永平山海密雲居庸關白羊口
等處邊備兼巡撫順天永平二府地方居常操練軍
馬脩理城池關隘撫安軍民督理糧儲禁革奸弊聽
理詞訟凡屯糧民運鹽糧召買等項爾宜查照該部

節題事理稽督查催近年題准築建空心墩臺有未
完者俱要乘時脩補務令高厚足堪捍禦各路營城
距邊有在十里五里之外者酌議移置近邊以便戰
守節年所造戰車遇有損壞缺少務即着實脩補備
用邊內荒蕪田土并官豪勢要侵占者逐一查明分
給屯丁儘力開種俟三年後如果成熟准令各軍自
食其力免給月糧年終通將墾過田畝數目造冊奏
繳青冊送部查考如權豪勢要及將領官商人等有
侵欺盜賣糧草及埋沒剋剝等弊應拏問者就便拏
問應叅奏者指實叅奏凡口外屬夷應撫賞者爾宜

悉心計處仔細隄備務使夷夏懷服邊境輯寧若有
虜犯的實警報爾即移駐昌平調度各路軍馬隨宜
堵截應援護衛 陵寢保固地方凡一應軍情邊務
悉與鎮守官從長計議而行分守守備等官俱聽爾
節制爾仍聽總督官節制其勅內開載未盡凡有裨
於邊備及便於軍民者亦許爾從宜處置爾爲憲臣
受茲簡任須持廉秉公正已率下使官吏畏威軍民
懷惠庶副委托若背公營私行事乖方因循怠玩以
致悞事責有所歸爾其慎之慎之故諭

勅巡按直隸監察御史賀一桂

先該都察院題稱東西二關既經奉旨分屬各該巡
按御史帶管則所管地方必須分屬明白庶可經久
議將居庸紫荆以至山海等關事務分屬順天等府
巡按御史管理今特命爾不妨原務兼巡視前項地
方公同各該分守守備等官查照節年事例巡視關
口點閱軍士整飭器械操演武藝守關官旗人等一
應詞訟聽爾問理發落無警則按行內郡照常處理
巡按職務有警即星馳赴邊巡視督察所在大小關
隘及新築墩臺務令官軍加謹把守防護少有損壞
即時修理堅完足堪保障其沿邊樹木尤宜嚴行禁

四錄三陽言 一 節
約不許居民盜伐遇有稀疎處所責令各該地方官及時補植完密如有視為末務不行用心栽種者指名叅來處治仍兼理清軍通將所轄邊鎮各區分守并標遊等兵各造清冊三本內係編發抽垛者將應繼弟男不拘隨伍原衛俱開報的名各附造本軍名下以後遇缺據籍頂補不必再用清勾係召募者該管官員按季開報止給與募軍銀二兩不必過於糜費仍將邊軍逃故并解補多寡各責成該管將領及衛所等官俱候復命之日分別具奏以定功罪勅內該載未盡事宜聽爾查照舉行爾為憲臣受茲兼任務使邊關鞏固武備脩舉清理詳明軍伍充足斯為爾能如或因循苟且虛應故事有負委用責有所歸爾其欽承之故勅

勅密雲糧儲戶部郎中申嘉瑞

近該巡按御史題稱要將密雲管糧官仍理該鎮錢糧其昌平三路照舊設官管理該部議覆相應今特命爾總理密雲主客兵馬糧餉爾宜查照該部題准事理聽督餉官分投坐委凡係主客駐守城堡及用兵處所并調到客兵經過地方俱要預先堆積糧料草束以備應用其主兵照例按月給散客兵一到即

四錄三圖記
與支放毋致留滯等候合用裝載車輛人夫驢騾等項俱要計處停當備用所轄官吏人等如有違慢誤事及通同作弊者爾即拿送所在官司問理爾受茲委任宜殫竭心力措置有方務使糧餉充盈邊方有賴斯稱任使毋或因循怠忽自取罪愆三年滿日更代爾其欽承之故勅

勅薊州糧儲戶部郎中高世雨

今命爾總理薊州等處糧儲兼管屯種分屬馬太二區督同該道隨宜召買糧草修置倉場收貯督徵附近州縣衛所民屯錢糧稽察奸弊凡一應興革事宜爾會同巡撫官計議修舉官吏人等但有侵欺盜賣及私役買閑等項通同作弊者爾即拿送所在官司問理應奏請者照例施行爾受茲委任須持廉秉公殫心竭力毋暴毋刻務裨邊儲充足事安民安如或不加勤慎以致擾人廢事必罪不宥爾其慎之故勅
勅永平糧儲戶部郎中傅寵

先該言官題稱薊鎮燕石二區軍士關支月糧不便欲要議增部屬以便督理事下該部議覆相應今命爾總理永平等處糧儲兼管屯種分屬燕石二區督同該道隨宜召買糧草修置倉場收貯督徵附近州

四錄三圖記 卷之三
縣衛所民屯錢糧稽察奸弊凡一應興革事宜爾會同巡撫官計議修舉官吏人等但有侵欺盜賣及私役買閑等項通同作弊者爾即拿送所在官司問理應奏請者照例施行爾受茲委任須持廉秉公殫心竭力毋暴毋刻務裨邊儲充足事安民安斯稱厥職如或怠肆以致擾人壞事必罪不宥故勅
勅密雲兵備山東布政司叅政錢藻

今特命爾整飭密雲等處兵備管理石塘嶺古北口墻子嶺三路駐劄密雲縣分管密雲縣通州三河寶坻香河平谷各州縣密雲中後通州左右神武中定

邊興州後屯九衛梁城守禦千戶所專一撫處夷情聽理詞訟脩葺城池操練人馬查處主客錢糧督脩關營墩墻整理神器甲仗脩蓋營房倉庫每年正月半七月初上邊三月盡九月盡下邊守邊之日稽查奸弊監督戰守下邊之日如遺有邊工未就之緒及簡閱兵馬諸務仍選委州縣才能正官一員前去代理及將所管區分主兵通行蒐選設法教練一年之內練有成效不次擢用因循不振從重黜罰仍聽總督巡撫官節制其屯田事務屬爾兼管仍查照兵部近題事理帶管驛傳稽覈各項錢糧嚴查應付勘合

有不奉公差及假托詐僞并驛迎官吏人等剋削包
占作弊害人者俱要恪遵明旨盡法禁治每年將徵
給過站銀禁革過冒濫牌票及行過事宜開送巡撫
衙門轉咨該部查考如不用心着實舉行取其文移
了事致滋奸弊聽各撫按官及該部科即據事叅奏
以不職論黜爾為憲臣須持廉秉公實心幹理圖副
委任毋得因循怠玩自貽罪愆爾其欽承之故勅
勅薊州兵備山西布政司右叅議兼僉事王之弼協理
糧餉

先該戶部題稱薊州等鎮錢糧原擬勅差郎中一員

駐劄適中地方會同撫按衙門督理收放禁革奸弊
但該鎮主客兵馬虛實之數非管糧郎中所得盡一
稽查每遇關支虛冒尤多向雖題覆兵備官嚴督查
理未見着實舉行又該各項糧料草束收放浩繁積
弊多端欲要責成兵備協同經理庶國計有裨今特
命爾不妨原務協同管糧郎中主事將前項宿弊務
要盡法查理將本鎮主客兵馬數目覈實要見其處
主兵若干客兵若干舊數有無增减總撤有無相同
細開應支錢糧實數仍查客兵何時調到何時撤回
毋得聽憑捏報虛增違者即將各將領員役查照律

四金三屬記 帶疏
例從重叅究每年終郎中將放收過各兵馬數目備
細造冊送部毋得仍前不開起止及官軍各支不等
混數致難查考亦無得已放本色而捏作折色已放
折色而捏作本色并擅將商價折放遊兵內貪猾問
革將官及各色假借棍徒以致大損邊儲爾仍將主
客實數并客兵上邊撤回日期造冊送部以備互相
稽查所有解到漕糧并援例米石俱要乾圓潔淨編
立字號倉廩積貯以備日後支放如豪右棍徒敢有
仍前包攬積書奸商交通作弊者即便嚴拏問遣其
各邊倉積除行應撥衙門嚴查籍貫保勘明白方行
撥充如再仍前捏籍冒充者聽爾一體問革各項事
宜務在協心料理如應放本色而爛惡不堪應放折
色而銀數短少查照年月將各經管員役據實叅奏
罷斥爾受茲委任須持廉秉公正已率下悉心經理
使上下知警弊竇以塞糧無虛耗軍有實惠如或怠
慢悞事責有所歸爾其欽承之故勅

勅薊州兵備山西按察司副使辛應乾

今特命爾整飭薊州等處兵備爾宜查照該部題准
事理管理馬蘭谷太平寨二路監督副叅等官分管
薊州遵化豐潤縣薊州營州右屯鎮朔遵化東勝右

忠義中興州左屯前屯關平中屯衛寬河守禦千戶
所專一撫處夷情聽理詞訟脩葺城池操練人馬查
處主客錢糧督餉關管墩臺管理神器甲仗脩蓋營
房倉庫每年正月半七月初上邊三月盡九月盡下
邊下邊之日如遺有邊工未就之緒及簡閱兵馬諸
務仍選委州縣才能官一員前去代理及將所管該
路主兵通行蒐選設法教練一年之內練有成效不
次擢用因循不振從重黜罰爾仍聽督撫官節制近
該戶部覆議將邊內荒蕪田土及官豪勢要侵占逐
一查明分給屯丁量給牛種嚴禁濫徵以防農業俟
三年後如果成熟准令各軍自食其力免給月糧若
有多餘田土亦要設法招種照前免科俟三年之後
軍或令出租臨時聽從民願年終通將開墾
數目造冊奏繳青冊送部查考爾受茲委任
須持廉秉公正已率下悉心經理以靖地方如或怠
慢悞事責有所歸爾其欽承之故勅

勅永平兵備山東按察司副使宋守約協理糧餉
先該戶部題稱永平等鎮錢糧原擬勅差郎中一員
駐劄適中地方會同撫按衙門督理收放禁革奸弊
但該鎮主客兵馬虛實之數非管理郎中所得盡一